

摘藻堂四庫全書薈要

史部

欽定四庫全書薈要

史部

硃批諭旨卷二十二下

詳校官編修臣繆晉

欽定四庫全書薈要卷七千九百三

史部

硃批諭旨卷二十二下

硃批李紱奏摺

雍正四年正月初十日廣西巡撫臣李紱謹

奏爲修理省會城垣事臣蒙

天恩簡任廣西巡撫初入粵境經由全州見城垣倒塌過半比抵任閱城則省城亦多坍塌頽亟宜修補隨經行查通省則各屬城垣皆有損壞復經提臣查



明移咨到臣雖未詳盡大畧相同約估需銀四五

萬兩費無所出臣因恭疏請將倉穀糶三出陳易

新取其贏餘以供修城之用值清查捐案部議格

而未行惟是省會城垣尤爲緊要不容中止費用

仍無所出臣衙門每歲有橋稅茶果銀八千兩向

爲撫臣公私之用臣到任未及二年盤費應酬共

用過銀二千六百餘兩其餘俱充公用并賞兵課

士置造本標軍器等項及捐造通省營協五子礮

鑼鍋帳房又修建書院纂修省志留餘無幾惟雍正二年九月內直隸守道桑成鼎將天津截漕變色米價餘銀五千兩寄送到臣經臣

奏明蒙

皇上硃批留充粵西公用臣即將此銀陸續發交桂林府桂林縣將省會城垣公同料估修理於雍正三年十一月竣工又城內窩棚礮臺欄柵亦俱修理完固計共用銀五千四百六十兩零臣謹繕摺

奏明再臣日內將次離粵所有茶果公用銀兩除公
私費用外尚餘銀一千二百兩臣仍發存藩庫爲
廣西將來公用合併聲明臣謹

奏

城垣爲地方保障亟宜修理動用前項所謂以公完公
洵屬允協

同日又

奏爲查明捐穀分肥實數事竊查廣西捐穀有名無

實首尾不清奉

旨令臣徹底清查臣當即遵

旨行文查取管捐府廳及領價買穀州縣口供在案大概雖明尚有參差難定之處復蒙

皇上將黃國材等俱發至廣西質問雖沈元佐之子與家人不知當日情事所供與雲南原咨相同又准署直隸督臣咨稱黃之孝行至滄州病故而吳元臣亦至今未到但黃國材實係總理捐務之人逐

一咨詢與陳元龍互相質問於當日情節更爲明白臣謹敘具全供分別加看恭疏

奏覆計廣西原捐穀一百一十七萬八千二百五十石每石收銀一兩一錢共收過銀一百二十九萬六千零七十五兩內除每石穀價三錢五分建倉五分實無浮冒共用銀四十七萬一千三百兩外餘銀八十二萬四千七百七十五兩均屬分肥之數臣逐一分析以便著追亦更無疑義惟梧州府

管捐知府李世孝已經病故無可稽查尚有同管

捐納同知趙承燾一員係浙江人遺漏未開

臣於

原捐實收底冊查出隨咨詢陳元龍據覆稱止聞

陞任知府在雲南地方已經罷官至今未見回籍

猝難咨查臣謹將梧州府捐項比照南寧府沈元

佐印冊分別追賠庶有著落詳具疏內又江南咨

送桂林府管捐知府吳元臣一供與從前傳送黃

之孝假供相同中多冒銷難以憑信又本人至今

未到未便懸案不結只得據伊所供將冒銷之銀
著落追賠查吳元臣年老昏瞶妄聽傳送假供浮
冒開銷固無足惜但銀數多至六萬餘兩其浮冒
之數臣細加訪查實非知府所得倘久廢之員不
能賠補則此銀仍難清結應否再取確供乞

皇上於臣覆疏批示飭部施行再臣細察陳元龍黃國
材二人情辭尚知感

恩畏法應賠之項俱各承認甘賠其原任府廳趙世勲

慕國璵二人經臣將傳送黃之孝假供追出亦知
畏法不敢如吳元臣朦混冒銷合併

奏明臣謹

奏

爾於此一事可謂秉公執正實屬可嘉至吳元臣之項
爾既議定著落該員追賠該部若不議駁朕亦不便慮
其不能賠補而復特爲飭諭也此案可以將就完結

同日又

奏爲請

旨事竊臣於雍正三年九月二十日准吏部咨奉

旨直隸總督員缺著廣西巡撫李紱補授李紱將廣西省陳元龍等捐納倉穀查明清結再起身赴任欽此

又於十一月二十八日恭奉到臣

奏摺內

御批令臣俟接任撫臣到後再赴新任欽此查捐穀一案已經逐一查明分別著落現在繕疏

題覆又聞接任撫臣汪瀝將次抵粵臣欽遵

諭旨俟接任撫臣入境之日交代事竣即赴新任但臣
遠違

天顏已經三年戀

闕微誠迫切擬於至保定受印視事三日後即趨詣
闕廷恭請

聖安跪聆

聖訓爲此繕摺先行

奏明臣謹

奏

到任料理十餘日諸務粗定之後來京見朕朕亦正欲見汝

雍正四年五月初十日直隸總督臣李紱謹

奏爲恭報雨水併二麥情形事竊查今歲春間雨水
霑足自四月二十日以後至今兩旬天氣晴明麥
苗益盛漸次黃實據九府六州各屬申報到臣並

上蒼之垂佑也

稱今歲二麥十分茂盛本大穗長爲十數年來所
朕實爲畿內黎元慶幸今歲
未有旬日之後即可收穫所有二麥情形理合循
例

奏報現在惟大名府屬之魏縣於四月初十等日漳

水驟發近漳河十餘村俱被水淹又元城縣當魏

天下事亦何能期必萬全近河村落偶被浸漫在所不

免但宜確勘輕重情形爲要如果損傷不多爾等地方

官力入衛河以致河間府屬南皮青縣之間亦被河水

能救濟則不必具題總在爾斟酌行之
漫溢月堤又廣平府屬之威縣於四月十六日晚

有十二村被冰雹損壞麥苗臣俱委員查勘損傷

之處一面飛飭借給農民倉糧俟水落雹化即令

圓明

園經三次雨雹朕甚爲驚異幸皆無礙禾稼此係

補種秋禾毋致小民失所至大興宛平二縣於四

北地

每見之事大驟電之爲災不過一條一片非比旱

澇之

災地方廣濶也月十九日亦有微雹片刻即止臣時在南海淀立

即分遣兵弁四出查明田稼並無傷損合併附

奏臣謹

奏

凡百但只據實入告絲毫毋隱候朕酌量批諭爾庶便

遵奉而行此奏朕甚嘉之

同日又

奏爲請

旨事臣查丁銀一項即古時力役之征

國家定例五年編審一次稽查戶口仍造具滋生冊
籍進呈

御覽所以重民生恤民力也第每逢編審之歲民間派
費甚多有里書里長之費有州縣造冊之費有院

司道府吏書紙筆之費有部冊之費有黃綾紙張
解冊諸費悉向里戶公派迫索甚於丁糧各省皆
然而直隸尤甚臣查直隸丁銀業已照糧均攤是
編丁之增損與一定之丁銀全無關涉而徒滋小
民繁費似宜斟酌變通臣伏見

皇上愛民深切安愈求安

特諭直省臣工力行保甲現在九卿會議俟

命下之日一體欽遵臣因思編審之法五年一舉雖意

在清查戶口尚未能稽察遊民不如保甲之法更
爲詳密既可稽察遊民且不必另查戶口自後請
嚴飭奉行州縣於編排保甲時逐戶清查實在人
丁自十五歲以上毋許一名遺漏歲底造冊申送
布政司彙齊另造總冊具

題進呈

御覽冊內止開里戶人丁實數免列花戶則簿籍不煩
而丁數大備其向來編審之例在直隸永行停止

則戶口既清擾累亦省誠爲兩便如果臣言可採

伏乞

皇上批示以便另疏

題請

勅部議覆施行臣謹

奏

詳覽所奏甚近情理但其中利弊尚不透悉爾即具疏
題奏廷臣議覆時朕再酌定

雍正四年六月初十日直隸總督臣李紱謹

奏爲請

旨事臣准兵部咨爲欽奉

上諭事怡親王等咨稱雍正四年五月初三日將侍衛
分別帶領引

見奉

旨賈國玉王忠劉應元郝文士周士達孟尚志王朝聘
張德明李起龍此九人各發回原保之人欽此相應

知會等因前來查王忠係原任廣西巡撫今陞直隸總督李紱所保之人相應遵

旨發回該督可也等因到臣准此臣查王忠本籍陝西祖任叅將從征雲南戰歿王忠幼孤長隸廣西撫標食糧拔補把總四年人頗忠誠勤慎臣遵旨放以千總保送蒙

恩給與監翎行走年餘今奉

旨發還交臣是否仍補千總令其効力抑或作何補用

効力之處臣未敢擅便伏乞

皇上批示施行臣謹

奏

朕此番察取者技勇弓馬出征効力之人並不計論其祖父功勞及爲人之誠實也此九人皆不合式所以發回將王忠亦發回廣西撫標仍以千總補用

同日又

奏爲恭報二麥收成分數事竊臣據各道府並直隸

州將所屬二麥實收分數陸續呈報前來查霸昌
通永二道所屬收成約有十分九分其低窪之地
亦有七八分者永平府屬收成約有十分九分其
薄地亦有收七八分者保定府屬收成約有十分
九分安州一帶窪處或六七分不等河間府並直
隸天津州所屬收成約有十分九分其窪處稍薄
亦有八分正定府并直隸五州所屬收成約有十
分九分近山一帶地薄亦有七八分順德廣平大

名三府屬收成約有十分惟沙壓之地止有六七
分宣化一府所屬山地瘠薄高者止九分八分薄
者七分臣查今歲二麥處處豐登訪之老農並稱
數十年來莫盛於此雖宛平涿州等數州縣俱有
冰雹不過十數村莊惟五月二十八九兩日雨水
過大近河之地被淹稍減豐收之數臣謹另摺
奏明所有各屬報到二麥豐收分數理合繕摺奏

聞臣謹

奏

今歲麥收迫逾尋常總因雨澤霑足之故真可謂

天恩優渥也

同日又

奏爲報明雨水情形事竊臣查今歲二麥豐盛民人

歡呼收穫實稱大有之年乃五月二十八日大雨

連綿至二十九日勢尚未已各處河水驟長臣即

前月

二十八日景象實令人可憂可畏據奏爾不過

於二十九日下午在城隍廟薰壇祈晴三十日黎

至廟祈禱朕則日夜望空叩首懇願豈止數十百次食

明臣親至廟祈禱是日得晴至今俱未下雨麥已

不下咽頭額盡皆腫赤荷蒙

全收惟近河之清苑蠡縣安肅高陽祁州新安完

上蒼感應靈霖頓止觀此陰陽愆和之由過在我二人也

縣安州無極霸州保定等州縣各有沿河十數村

期共加修省勉之慎之以及秋禾俱被淹損現在逐一

莊收穫未完之麥以及秋禾俱被淹損現在逐一

今歲直隸若猶言災則無不災之年矣頃冰雹微傷山

查勘雖以直隸全屬計之不過百之一二未致成

陝河南山東皆間有之

災然被淹之民不無困苦除社穀係民間自爲積

貯之項飭令借給加意軫恤有不敷者併令將常

平餘穀酌量添借務令補種秋禾不致失所至所

酌借之穀今歲大勢豐登秋熟自能全完且爲數甚少似可無庸

題請所有各州縣被水情形理合

奏明臣謹

奏

常平餘穀通融酌借甚好但必令被淹之民得沾實惠毋爲貪吏姦胥之所侵冒爲要萬不可以君子之心度小人屬員亦何可盡信至囑至囑若不實遵朕訓加意

訪察將來波連受累雖悔何益率真自信之人往往有此疎慢之失朕故諭及至於待人接物好惡不可偏徇是非切莫預定勉之誌之

雍正四年六月十六日直隸總督

臣李紱謹

奏爲據實奏明事雍正四年四月二十一日恭蒙

皇上將大理寺右少卿

臣吳隆元敬陳管見一摺交

臣回署後即將摺內事理另行飛飭該府縣查勘

明確妥議詳覆去後茲據大名府轉據魏縣知縣

查稱漳水遷徙不常向從廣平府成安肥鄉等處
分流嗣於康熙五十四年間流至魏縣護城堤北
水發之時一望俱成巨浸年甚一年已成河身曾
經具詳前院蒙批漳水無定望其他徙等語是以
未經

題豁今於雍正三年十月間又具詳懇請已蒙勘明
河流地畝造冊申送在案又堤南羅兒莊被淹地
畝俱已造入請豁河流冊內等因到臣正與吳隆

元所

奏相合但吳隆元未知該府縣已於去年詳請勘明
現已造冊申送也至別查涸出之地以抵豁免之
糧一細查漳水向由廣平府之成安廣平等縣東
行其經由魏縣因康熙三十八年於魏縣北路開
挑支河一道大勢日漸南徙遂至魏縣護城堤北
是魏縣原無舊淹今涸淤出之地無可查抵容臣
另行廣平府查勘確報以抵豁免之糧所有奉

旨發交詢查事理理合據實

奏明併將吳隆元原摺恭繳臣謹

奏

據奏已悉

永定河明壽之奏已交怡親王令其教導之矣滿員中如明壽者即爲不可多得之人現今卿班內不及伊者頗多魯論云才難不其然乎密之

雍正四年七月初一日直隸總督臣李紱謹

奏爲據實陳情仰祈

睿鑒事竊臣與河南撫臣田文鏡素不相識但向蒙
皇上批臣奏摺謂臣與田文鏡皆

皇上特用之人臣私心感奮固不敢不自勉亦望田文
鏡撫綏一方克有成績以無負

九重知人之哲及臣今歲赴任道過河南始聞其誤信
上蔡令張球賢否倒置蒙

皇上俯詢沿途官吏賢否不敢不據實陳

奏然所叅者張球而已至田文鏡止謂其性情僻闇

非謂其徇私而故用仍請

不過如發與爾看之諭敕之而已更有何詞以敕之耶

皇上敕撫臣自行審察蓋欲其補偏救弊同効力於

國家而已今蒙

聖恩委曲教誨將

御批田文鏡諸摺

賜交臣覽臣跪讀再三徬徨感激不惟仰見

皇上訓誨臣下之苦心併得聞千古用人之要道返而

自思豈惟田文鏡於賢否倒置即臣所舉錯豈敢

自謂無失哉但田文鏡始終以張球爲賢以汪誠

若無

此句汝可免護短之愆

爲劣則猶未免護短偏執未能仰體

據汝

此奏則過在李紱而不在田文鏡也何也從來知

皇上之教也臣所聞張球劣蹟固不止此二事即田文

臣莫若君知子莫若父知屬吏者莫若上官汝既非豫

鏡之賢否倒置亦不止此數人今蒙

省督撫無舉劾之責彼二員之賢否實與汝風馬牛不

皇上教臣不可因一二屬員致傷和氣臣亦不敢更置

相及有何所據而爲如此議論耶

一辭但田文鏡謂黃振國之事謂臣造作浮言又

朕意汝當感不當辯若不能無辯則是所謂強詞矯飾

謂臣袒護同年則立說甚巧而實未合臣不能以

諺云道吾非者是吾師不但不宜仍存芥蒂即行路之

無辯也凡獄囚報病必印獄各官勘驗醫生出結

人亦當爲感泣有何不可解釋又何故而不可解釋朕

斷無悞報之理若無病而報病必有致死之謀此

於此觀汝縱有大臣之才實乏大臣之度也

人人所通曉黃振國之無病報病即非巡撫主持

亦係知縣迎合且其事經伊孫呈控按察司批查

開封府親驗巡撫

題叅通國皆知何待過路之人代爲宣播至於己丑

同年共三百三名當時已不能盡識榜下一散至

今十八年音問不通如黃振國邵言綸等臣至今

不能識其顏面何似且田文鏡知臣所稱之汪誠
爲已丑進士不知臣在

皇上前奏其虛浮鑽刺之張玠亦已丑進士也奏其阿
附撫臣之陳世倌亦已丑進士也臣在廣西特叅
之孫來賀亦已丑進士也豈有科甲不敢再叅之

理此一事臣謹遵

既有此一語何必爲前半篇喋喋之辭而見輕於朕
聖訓不敢更存絲毫嫌隙所有恭奉到

皇上訓誨諭旨謹繕摺叩

謝併田文鏡諸摺一併恭繳臣無任感激悚惶之至

臣謹

奏

汝密奏張球之語朕至今未露之於田文鏡也

雍正四年七月十一日直隸總督臣李紱謹

奏爲恭報雨澤事竊查直屬地方今歲二三四月得

雨州縣經臣節次

奏報五月係收麥之期正需晴明

畿南四府俱於五月二十前後二麥全收並未遭雨
濕損惟

畿北州縣麥收稍遲沿河十餘縣因五月二十八九
等日雨水過大近河村莊稍有淹損俱經臣繕摺
奏明日下麥已收完秋禾向茂正需甘雨據各府州
縣呈報前來有於六月十五十六十七日得雨者
有於六月十八十九日得雨者有於六月二十一
及二十七日得雨者俱自二三寸至五六寸不等

臣查此番所得雨澤正值青苗遍野之時西成可望大有農民無不歡悅實我

皇上敬

天勤民感召之所致也所有各屬得雨日期臣謹繕摺奏

聞臣謹

奏

必政和始望年豐卿之力實居大半何得盡歸功於朕耶期共加勉毋怠

雍正四年八月初一日直隸總督臣李紱謹

奏爲約報秋稼豐登情形事竊臣查今歲直隸二麥十分收成先經臣具摺

奏明今七月望後秋稼將收據直屬各府州縣約報

秋稼情形俱稱十分茂盛咸慶豐年但直隸地方

目前秋汛朕甚憂虞亟當謹慎防備遼濶河道交貫夏間雨水過驟就中亦有被水村

莊積水不散者尚需補救雖爲數不過百之一二無損於豐登之盛然不敢壅於上

聞現在報勘成災者共七州縣每州縣或數村或十數

村不等臣復委員覆勘如臣等力能捐賑即無庸

爾自應處置得宜

題報近日又有數州縣報生蝗蝻臣俱飛飭該管文

蝗蝻

初起可以人力消弭惟當嚴督撲捕但民愚多不

肯盡

力爾其勤飭有司毋令因循怠玩

現據報到故城雄縣元城大名清河清苑等六縣

俱已撲滅尚有阜城河間景州獻縣等四州縣正

在撲捕又山東地方界連清河之臨清州界連景

州之德州等處亦有蝗蝻臣已移會山東撫臣協

力飭捕務絕其種今歲蝻生甚遲秋禾將收白露將降自不致貽害禾稼無庸具

題理合據實附

奏臣謹

奏

去冬人言今春當防蝗蝻蓋爲水涸之後魚子化生而論朕彼時即預定蝗蝻之生斷不在今春何則去歲水發於夏秋已過魚子之候也至今歲水發太早朕深慮

四五月間水退之田蝗蝻生在夏秋若七八月間再加
以霖潦則水退之田蝗蝻生在明春今果然矣目今撲
捕救濟自不待言而明春之虞尤當思患預防切記毋
忘

同日又

奏爲恭謝

天恩事臣接准部咨奉

旨將巧稱倉穀出借各官悉行解任將臣嚴飭等因到

臣竊思臣於糶借倉穀一事既不能稽察屬員之巧飾虧空反爲伊等欺朦具

題代請又不候

旨即令各屬擅自給發甚屬愚昧罪無可逭乃蒙皇上天恩不立將臣罷黜止著飭行聞

命之下感愧無地

聖恩寬大臣所蒙受獨逾等倫自今以往雖竭盡駑駘而實莫能仰報

高厚於萬一理合繕摺恭謝

天恩臣謹

奏

朕不憎人有過惟深惡不悛改者凡百處當領悉此意

同日又

奏爲奏明事臣前欽奉

皇上諭旨近日不知從何處發端有無賴光棍咒咀毀謗投帖倡惑汝當留心密訪如拏獲其人追究根源

密摺奏聞欽此臣隨即密加查訪經今數月除天津
州民郭允進素有瘋疾刊貼妄語已經刑部拏究
此外更無造言生事之人近日有鑲黃旗人王三
格據稱係內務府倉官向年有祖遺園地坐落滿
城縣轉典與縣人孫含夫冉鐸等取租至雍正三
年三格欲占回原地將孫含夫及佃戶等毆辱占
奪地租今歲三月含夫赴保定府控告未及審理
至六月間王三格懼罪因冉鐸吃齋鄉人稱爲老

道遂告冉鐸邪教聚黨自稱教主以含夫等爲將
軍總管等語臣即行按察使將所控數人立即拏
到夾訊再三毫無影響冉鐸等吃齋奉道並無多
事之處而三格借詞奪地誣陷平人實有應坐之
條但三格倚恃倉官雖一無指證而詞不輸服臣
現在咨部轉咨內務府將三格是否倉官暫行革
退以便審實酌量發落此事與造作妄言雖非一
類然事關首告理合嚴究確實咨部完結謹先繕

摺請

旨批示施行

臣謹

奏

三格甚屬可惡宜加倍嚴懲以警刁誣倉官非官彼自名之爲官也殊可發一大笑

雍正四年八月初四日直隸總督臣李紱謹

奏爲請留應用之員以濟營工事雍正四年七月二十九日准工部咨開奉

旨莽鵠立奏請將金世忠馬駢雲阮德升等三員俱留
營工辦事著照所請行天津蓋造營房原係直隸地
方官之事莽鵠立不過協同辦理乃李紱到任以後
漫不經心從前派出料理之員到工未久旋即回任
其在工辦理者不過經歷吏目微員二三人以致工
程遲滯甚屬不合李紱近來固執已見自以爲是著

嚴飭行欽此等因到

臣臣

跪讀

聖諭不勝悚惶愧懼

臣受

聖恩深重乃於緊要

欽工料理遲滯雖蒙

天恩寬宥止於飭行臣自顧溺職之罪實無地以自容

伏查天津建造營房臣於商酌繪圖料估請動錢

糧等事隨到隨辦未敢停擱一日其委辦人員亦

羽檄交馳未敢少緩臣於四月二十六日回任即

於五月初四日檄委通判董漢儒巡檢任予榮二

員六月十七日復委訓導蘇炳經歷劉衡珠典史

郭恒趙枚潘伯盛等五員六月二十二日復委吏
目徐汝懋一員六月二十九日復委同知楊在魁
一員七月初六日復委因公呈誤情願自備盤費
前往營工効力之原任知州李敏德原任知縣傅
樹崇朱亨衍管鳳苞候補知州馬遷等五員前後
共委過辦事官十四員所委月日俱在恭鵠立具
奏之前現有案卷可據內惟楊在魁候清交盤蘇
炳候送科舉俱須事畢赴工又任予榮潘伯盛未

報起程現在查叅外其餘十員未聞有赴工而輒
歸者若滄州知州李升德獻縣知縣程材傳暫到
復歸原止委令料估並未委令辦工以上各員除
現任者臣例得徑委外其降調候補及有事故聽
候開復者臣仍另疏

題明伏乞

皇上睿鑒施行臣謹

奏

觀汝惟一派好勝爭辯朕甚輕汝之大臣氣度況此係
諭部飭行之事何乃具摺奏覆亟當加慎汝之出處與
衆不同實難勝任四字未必能保優游於林下恐一敗
塗地汝之身家性命且置勿論可惜朕一番破格簡用
之恩也

雍正四年八月十六日直隸總督臣李紱謹

奏爲據實奏明事竊臣欽奉

諭旨令各省督撫布按二司各保居官好者一人欽此

臣自到任後半載於茲深惟察吏所以安民於直屬各員細心察訪惟清苑縣知縣王游才守兼優實爲直屬州縣中第一即擬將王游遵

旨保舉因細查王游係奉

特旨由阜城縣調補清苑之員今欽奉

上諭除從前曾經密舉及

特旨補授各員外始准保舉王游雖止對缺調用亦係特旨補授故臣未敢保舉至王游而外查有晉州知州

閻堯熙才守亦優臣已繕疏將閻堯熙保舉但王游才守更爲出衆不敢不據實上

聞臣謹

奏

王游以縣調縣何云朕所特用如題本尚未交發仍將王游保題爲是

同日又

奏爲衿棍捏災科斂橫肆公庭事竊查直隸保河文

霸一帶地居最窪今年夏秋之間大雨時行不無
被淹之處當據各州縣申報俱經臣飭司委員會
勘尚未到齊各屬人民安靜無辭惟大城士民向
來刁悍緣伊等子弟多充內監目無官長中有生
員王存敬者尤爲積棍乃敢科斂銀錢爲赴保捏
控水災之舉知縣李先枝因該縣地方係子牙河
下流向來積水勘不成災將王存敬等斂錢捏控
情由據實詳報而王存敬等不自愧悔輒敢率領

鄉愚數十人喧鬧縣堂毀壞門柵當有大城營守
備前至縣衙查詢王存敬等仍橫肆不已該守備
協同縣役將爲首之王存敬等七人拏獲收監具
文申報臣現飭布按二司將王存敬等提至保定
嚴審俟審明律擬具

題外所有衿棍捏災橫肆情由謹先繕摺

奏明臣謹

奏

此事朕亦聞之當嚴審定擬以懲惡習切勿偏袒士子以沽虛名其應處分者當盡法處分

雍正四年八月二十四日直隸總督臣李紱謹

奏爲請

旨事竊臣查得直隸地方仰蒙

皇上加意民生

特命怡親王總理水利營田建萬世之鴻業垂無窮之令聞誠自古所未有也臣伏思水利營田事體重

大而臣所任衙門爲直隸地方總匯之區一切動
用工費効用職名毫無案卷將來驟難遵守臣查
護理水利營田印務一官隨同怡親王料理一切
事務實爲協辦大員伏懇

皇上勅令侍講臣陳儀按察使臣張璨將所辦事體俱
行移報臣衙門備卷或止令臣移行查取備卷庶
功成之後地方官原委洞悉辦理之時易爲遵守
臣一得之愚是否有當謹繕摺恭請

訓旨批示施行臣謹

奏

怡親王所辦理之事何用爾衙門備卷爾等大臣爲朕
任用雖百千聚集一處朕倚賴未必如王一人也勉之
必效法王之屏盡私心純然忠愛以受朕如是見信庶
不負爲人臣一生之名節也

同日又

奏爲實陳直屬盜案以紓

聖懷事竊緣直屬盜案稍多

皇上特頒諭旨恐有積盜未除嚴申盜案舊例誠治
保邦防微杜漸之

聖謨也臣伏查地方失事定例四個月捕緝再加游限
一個月共歷五個月始叅疎防比至審

題常在一年內外臣准到部文欽奉

上諭即將所叅疎防案件逐一清查計今歲所叅共一
百案其失事月日實係去歲八月以後至今歲三

月以前共八個月內之案現在未叅疎防者共十六案內四月及五月十五日以前共十二案自五月十五日以後二麥既收之時至今八月實止四案再查二麥未收以前盜案雖多經臣逐一親審其爲饑民攘奪者十有八九然皆以刦盜

題叅者蓋戢盜所以安民既不容稍有寬縱又文武必須畫一而該管鎮臣往往不俟文職審明即先糾叅此盜案所以過多也伏惟

皇上聖德動

天直隸夏秋二稼十分豐稔將見民氣和樂盜風衰息乃
皇上視民如傷憂盛危明至意有加無已臣不敢不備
悉陳

奏庶幾少紓

聖懷臣謹

奏

似此等一篇謬詞何能紓朕之懷耶爲饑民攘奪者十

之八九屬員欺飾之語豈可槩信近聞山西有名數起夥盜潛入直隸界內今已訪有頭緒俟其就獲之後朕還爾百案悉與饑民搶奪無涉每事被人所欺而不覺察如何其可

同日又

奏爲欽奉

上諭事雍正四年八月初六日准吏部咨前事八月初三日奉

旨朕聞知縣牟慤居官聲名好故降旨調來引見今已
在途病故甚屬可憫著直隸總督李紱料理令其旅
櫬早歸並行文江南巡撫張楷將伊家口照看資送
回籍該部知道欽此等因到臣臣當即欽遵飛飭涿
州知州詢明已故知縣牟慤家人商酌料理仍將
起程回籍日期併用過銀兩報臣隨據該州呈報
牟慤於六月初一日病故當即面同伊子貢生牟
曰堅料理妥當即於六月初三日護送回籍去訖

除臣一面行文咨明山東撫臣陳世倌行知年慤
本籍外所有貢生年曰堅已經護送伊父年慤旅
櫬回籍情節緣係欽奉

皇上恩諭事理理合

奏明臣謹

奏

雖已起程回籍仍當遵旨差人資送路費俾其旅櫬早
歸故里此處殊失朕優恤之意況係由部敕行之事應

具本題覆

雍正四年九月二十二日直隸總督臣李紱謹

奏爲恭報秋禾收成分數事竊照直屬秋禾今已豐收經臣通行確查茲據各道府將收成分數陸續呈報前來查順天府屬收成實有九分至七分不等永平保定河間三府屬收成實有十分至七分不等宣化府屬先因各處間有雹災稍減分數正定府屬亦間有冰雹又秋雨稍遲亦微減分數實

有九分至六分不等順德府屬亦因秋雨稍遲收成分數與正定同廣平大名二府屬收成實有十分至七分不等其直隸冀州趙州晉州定州深州天津州併各所屬收成俱實有八九分至六七分不等以上所報分數俱照地畝計算若分別肥磽俱屬豐收惟宛平霸州大城良鄉武清安州高陽新安雄縣任邱津軍廳晉州天津州靜海等州縣廳所有地勢低窪之處因去年積水未消又今歲

間有雨水驟發以致淹沒田禾俱經臣委員會勘

一面加意撫恤在案臣覆查宛平等一十四州縣

廳各被水成災實共計村莊四百六十七處此等

民人在初冬尚可傭工謀食惟十二月正月二月

嚴寒沍凍工作難興資生無策必須就近煮賑方

無失所之虞此煮賑之費查臣衙門每年有鹽務

飯銀八千兩又臣前於盤查司庫之時有布政使

德明節存平頭銀一萬兩在於庫內經臣查出詢

問據稱已

奏明作爲存庫充公之項臣思公用莫急於恤民應將此銀動用同臣衙門鹽務飯銀共一萬八千兩充爲煮賑之用倘有不敷容臣酌爲

奏明量行借糶則被水之民不致失所而此等被淹之地可以無庸

題報矣伏乞

皇上睿鑒批示施行臣謹

奏

料理甚屬允當德明節存之項應於此處動用但不可因非正項而不嚴加察覈令貪污官吏任意侵蝕以致窮黎不沾實惠則虛負此舉矣

同日又

奏爲直屬衝繁請留賢員事竊臣遵

旨保舉晉州知州閻堯熙荷蒙

天恩即令陞補山東青州府知府臣伏念

畿輔重地較之外省更爲繁劇尤需能員辦理除閻
堯熙已奉

特旨不敢懇留外現有經臣摺

奏之清苑縣知縣王游欽奉

特旨與大名府知府曾逢聖一同引

見現在給咨令其赴部外臣查王游固屬才守兼優而

曾逢聖三任直隸亦屬才能素著之員今俱蒙調

引

見仰懇

聖恩仍留直隸原任庶臣得收臂指之助再查直隸現
有天津州知州陳雅琛已據告病經臣細查陳雅
琛由卓異陞轉人甚耿直實無甚病特以年逾六
十而天津州最爲衝繁不勝劇任故以病力求解
退倘蒙

皇上將陳雅琛調補晉州將王游陞補天津州則人地

相宜各盡其用臣謹仰體

皇上用人圖治盛心冒昧陳

奏伏乞

睿鑒

臣謹

奏

曾逢聖朕原欲用爲河南管河道近因蔡珽奏伊貪黷
朕從未一睹其面故調來引見諒難逃朕之鑒別也王
游朕欲擢補大名府總俟引見後酌定

雍正四年九月二十九日直隸總督臣李紱謹

奏爲歷年私借兵餉據實奏明酌除陋例事臣查倉

庫錢糧俱應正收正支私借多關即屬違例惟兵
餉一件各省有歲暮借支陋例雖多寡不同而不
借之處甚少今查直隸官兵俸餉撫標三營併正
定等營俱於冬季關餉之時預借次年春季俸餉
仍於次年四季扣還稽察歷年案卷除康熙四十
二年以前難於稽查外四十三年以後每年循例
借支今歲理應設法酌減以漸而止但今歲因春

夏米貴官兵稱貸度日負累更多難以酌減請自
雍正五年爲始每歲減借一月三年減完永停借
支庶兵無驟行停借之苦官無私行借給之罪理
合據實

奏明伏乞

皇上睿鑒施行臣謹

奏

此事當照舊例而行斯乃天下通行之弊是弊也而成

例矣何以除爲次第酌減之說亦可不必

同日又

奏爲奏明事竊臣據東光縣知縣稟稱九月十八日
有

欽差刑部侍郎牌委江南淮安府知府劉之瑱追趕淮
關任滿監督慶元船隻到縣卑職遵即會同劉知
府將慶元家口所乘大小船六隻盡行截住併拏
獲慶元之總管康二家人孫應仲等押同在船搜

查得大包銀三十七包小包銀一包眼同康二孫
應仲開包兌明共計銀五萬九千五百兩現在同
委員看守在船其餘各項皮箱內貯貲財物件甚
多尚未查清合先稟報定奪等情到臣當即於另
詳批發布政司飛飭將銀兩貲財等物逐一查明
封固造具清冊并取收管送查仍將康二等交給
來員押赴淮安收審一面將慶元家口人等查明
造冊詳請給咨解部去後復據東光縣詳稱九月

二十一日淮安知府劉之頊業將慶元船隻貲財
併家人康二等十三名帶回淮安審訊其慶元家
人康二妻黃氏等共三十四名口擬合詳請給咨
批示遵行等因到臣當批藩司立即查明造冊呈
請給咨解部外理合

奏明再查前據河間府知府稟稱於任邱縣隨同

欽差內大臣公馬爾賽等追獲慶元事理業經馬爾賽
等具

奏無庸瀆陳理合聲明臣謹

奏

所奏知道了如慶元之忘恩負德豈有不遭天譴之理
即慶元之敗露亦大奇事想爾等自有所聞也似此辜
負朕恩之報可留心細看捷如立竿見影又如蔡瑁朕
不料乃一粗率輕薄言過其實之人且局量褊淺舞巧
弄智滿腔私欲被朕已看破八九爾當絕而遠之莫被
連累

雍正四年十月十二日直隸總督臣李紱謹

奏爲恭謝

天恩事臣齎摺家人回保恭捧到

皇上賜臣

御書唐臣魏徵十思疏一幅臣即出郊跪迎至署恭設

香案望

闕叩頭謝

恩祇領訖欽惟我

皇上建中立極主善爲師

盛德日新迥超漢祖唐宗之治

遠猷辰告愈切堯咨舜敝之心

念三代以還治莫隆於貞觀惟十思一疏義無愧於典
謨當已安已治之時厯其難其慎之戒雖九功七

德未足擬

聖代之昇平而一日萬幾亦足備

宸衷之採擇

特書行楷勝飛白之專精載錫

殊恩在汗青而罕覲臣才拙性迂自愧唐臣之獻納力

小任重幸蒙

聖主之優容仰瞻雲漢

天章益凜風霆

至教思曰睿而睿作聖惟

帝心廣運以無窮事思敬而言思忠知臣職克艱之不

易臣不勝欣悚之至恭摺叩謝

天恩臣謹

奏

朕每展卷竇以此十思而日三省之也

同日又

奏為欽奉

上諭事雍正四年十月初三日

臣於

奏明獲住慶元船隻摺內奉到

皇上硃批諭旨臣跪讀之下仰見我

皇上至聖至明臣下情偽

洞鑒無遺而臣以孤寒下士叨被

隆恩少不自愛以致上累

皇上知人之明則臣罪更無可逭今蒙

聖諭諄切俾臣知所警戒

聖恩高厚豈可名言臣伏思慶元前任淮關監督務為

貪虐困累商民報應無差終於敗露臣雖不肖尚

能自信有所不為至臣昔與蔡珽同為翰林非有

政事職掌惟因性氣俱偏於戇拙遂相知識但臣
所身受者

皇上之恩臣所職司者

國家之事不惟蔡珽所當遠絕即一切王公大臣苟
非同辦公事皆當痛加遠絕自今以後惟有仰體
聖訓益自勉勵以銘刻於終身而已臣謹

奏

雖云孤介自守不植黨援為人臣者是或一道然和氣

一堂都俞吁咈之風又豈可少朕意莫若公正者親近之私邪者疎遠之好惡不涉偏徇是非不為預擬心虛認理自明氣平處事必當凡於待人接物之際概以虛平應之乃為第一要訣此外或更有良法朕則不知也

同日又

奏為請詣

闕廷恭祝

聖壽事竊臣幸蒙

天恩委任

畿輔長安日近得以時覲

天顏今本月三十日恭逢

皇上萬壽聖節臣謹擬於本月二十一日由保定起身

進

京追隨在

廷諸臣之末叩祝

聖壽又直隸事繁藉以躬聆

聖訓有所遵守實臣深幸再直隸布政使臣德明懇臣

代爲

奏請隨臣進

京恭祝

聖壽理合一併

奏明臣謹

奏

所奏請俱可朕亦料及爾與德明同來但不必太早於

萬壽節前一二日到都可也

雍正四年十一月十五日直隸總督臣李紱謹

奏爲恭謝

天恩事竊臣因恭請叩祝

萬壽於十月二十七日趨赴

闕廷即蒙

聖恩召對嗣是每日瞻仰

天顏恭聆

聖訓俾臣愚昧之衷漸覺開朗又蒙日

賜天厨克食併

頒哈密名瓜既承綸綍於

王言又飫珍鮮之

御饌將何報稱實切悚惶臣謹遵

旨於本月初三日起程至初六日至保定理合欽遵

諭旨於奏事之便恭摺叩謝

天恩臣謹

奏

感謝果出於誠心則公忠必見於實事豈但朕畿內赤
子受福無涯朕用人得當亦獲免

上天之譴責矣

同日又

奏爲請

旨事竊臣恭照奉

旨將漢軍旗員迴避直隸解任另補此誠我

皇上澄勵官方之至意也臣查翰林院侍讀帶管天津同知事務臣陳儀現在護理水利營田印務任大責重同知事務難以兼管實止委令教官吏目等員代行而陳儀又係直隸文安縣人應否免其帶管天津同知事務亦照旗員一體迴避臣謹繕摺請

旨伏乞

睿鑒施行臣謹

奏

照此具題候朕發怡親王議覆

同日又

奏爲欽奉

上諭事竊臣先准部咨欽奉

皇上諭旨令臣將直隸各府州縣衙門缺主嚴查盡革
欽遵在案臣查直隸各府州縣衙門向無缺主之
名惟巡撫及布按二司衙門封鎖該班書吏不許

出入因有外班書吏料理各書吏飲食供應及伊等家口費用日久弊生串通各州縣坐省家人招搖撞騙遂與部科缺主相類臣到任後已出示嚴禁不許書吏招搖今於奉

旨後即將臣衙門及二司衙門外班缺主盡行驅逐不惟保定不可容留凡在直隸地方俱不許潛住現在開列各外班缺主姓名通行全屬九府六直隸州轉飭各州縣挨戶查逐出具並無容留缺主甘

結庶幾根株盡而弊端可絕矣抑臣再有請者臣訪得向來部科缺主仍在直屬地方遙管部科事務通州涿州昌平州等處俱有其人今臣既令全屬出結則部科缺主正可趁此驅除但臣爲外吏不便干預部科事務敢懇

皇上勅令部科諸臣將從前查逐缺主姓名開明移咨到臣一併驅逐取結存案則徹底澄清矣所有查革缺主情節併請

旨勅發部科缺主姓名緣由理合恭摺奏

聞臣謹

奏

此奏甚屬可嘉該部科逐一確查開具姓名發交直督
李紱

雍正四年十一月二十一日直隸總督臣李紱謹
奏爲請免歲貢驗看以恤貧生事臣查驗看教職一

事先經河南撫臣田文鏡具

題以教職不可久懸衰老實難勝任請將候選訓導

之挨貢先令撫臣學臣驗看造冊報部經部議覆

據奏

窮老之輩不堪跋涉累不願仕孰從而強之耶國

准行欽遵在案但臣自至直隸所驗窮老挨貢咸

家用

人大典全憑考驗於此即謂不堪其苦而心懷怨

稱饑寒跋涉苦累不堪懇求

悵則

是立志不甘與朝廷出力報効之人矣亦何足深

奏請免驗臣思條奏奉

惜若必以免貧生苦累方爲愛士則滇黔舉子祇應在

旨准行之事如果驗看即有益於政教不驗看即有害

於本省會試曷可令其往返萬里似此崇儒重道朕實

於政教則雖貧生苦累於法亦難請免但查廩生

不能朕所重者籌國是濟蒼生之儒所崇者文經武緯

必二三十年而後出貢年已無不就衰出貢之後

循名責實之正道至如欺世盜名違道干譽之小作用

又三十餘年而後選官亦未必俱能得選現在驗

朕則恥而不爲也

看人員今日驗其未老至得選而已老矣以將衰

驗後即可挨次錄用何槩云懸揣於十年二十年之後

強詞奪理悖謬極矣職是多此驗看究未能有益於政教也且教職止

何偏重有司而輕文教至於此極

於課士非如州縣守土之官一日不容懸缺且一

印兩官即使一員偶缺亦不至於廢事況教職領

先預驗其年貌臨期再考試其學業何所不可而必欲

憑必經巡撫考試驗看原不必預驗於十年二十

令朕負朝更暮改之名況經議覆較行之事即將此奏

年之前是不預爲驗看亦無損於政教也預行驗

發交

該部亦斷不因爾而復行改議不過爾徒邀虛譽

而已

看既未能有益於政教不預行驗看又未嘗有損

訓諭

於政教而徒令窮老寒生徒步奔走於數百里或

千里之遠由州縣起文達府轉文達司由司轉文

如云

詳院而撫臣學臣又必互相驗看即使書吏毫無

則止

需索而各衙門輾轉守候已廢寒生半年餬口之

豈有

館職矣寒生以館爲命若廢業失館甚爲可憫伏

才出

惟而後仕路清仕路清庶幾化行俗美克奏四海無

皇上

體堯舜之仁四海之內無一物不得其所倘蒙

物不得其所之效不揣其本而齊其末足見識慮卑淺
天恩將揆貢預行驗看之例永行停止祇照舊例俟得
輕重倒置甚昧政教之大體朕深鄙之
選之日然後考驗既於政教無損而寒士蒙

恩實爲無既矣臣謹繕摺

奏請伏乞

皇上睿鑒施行臣謹

奏

堯舜之仁爲古今人君極則朕雖曰未能願學焉至於
汝徒讀堯舜之書實不知堯舜用入行政之道所以章

句腐儒於吏治民生竟爲無用之物朕每誦大雅思皇
多士之什未嘗不撫編三嘆也

此事爾幸以摺密奏因隨筆批諭以示朕意若係具疏
題達則妄言之罪不爲爾寬矣

雍正四年十一月二十五日直隸總督臣李紱謹
奏爲遲誤營工罪獨在臣仰懇

聖恩敕部議處事竊臣於雍正四年四月初四日面奉
聖諭天津州盧家嘴蓋造滿洲官兵營房等事着兵部

侍郎莽鵠立御史顧琮原任直隸按察使浦文焯三人公同監督辦理先將地基築平務於秋間完工欽此臣當即欽遵咨明侍郎臣莽鵠立等前赴廬家嘴地方一面籌畫一面委員至工所公同料估於雍正四年五月十九日具

題請撥銀兩隨於五月二十九日准戶部咨覆准撥在案而營房工程浩大需員辦理經臣前後檄委各員赴工往往遲誤以致工程遲滯於本年七月

二十三日奉

旨諭部將臣嚴飭臣聞

命之下不勝惶悚隨即將遲誤之員糾叅併多委員弁帶領兵役上緊赴工協辦期於及時完報乃臣前已遲誤補過無及現在查得盧家嘴營房雖將全營地面俱已墊完至於磚瓦木石各工止可得半而時已寒凍工作難施只得暫停未能即行報竣此皆臣種種愚昧知識短淺所致誤工之罪實在

於臣理合恭摺

奏請伏乞

皇上敕部將臣嚴加議處施行臣謹

奏

此應具題非密奏之事工程專責雖在督辦之員爾委
員遲誤亦難辭咎

同日又

奏爲欽奉

上諭事臣齎摺家人回保欽奉到

皇上發下條奏一摺奉

硃批命臣密議奏聞欽此臣當即將肥鄉縣訓導羅昱

條奏肥邑舊治事理另檄行令廣平府詳查去後
茲據該知府詳稱遵即逐一查勘據閭縣紳士等
公呈又據肥鄉丁憂知縣王能任申詳各等情查
得肥邑舊城道路維均四境輻輳一經修築地方
民生均有裨益惟查舊城僅存遺址今欲修復原

同創造目下小民雖樂於修復但歷年歉收民力

維艱似應飭令該縣動用倉糧興工修築以復舊

治所有造送估計工料銀二千四百九十六兩零

實係確估無浮業經轉送在案仰請批准俟將來

拆收耗羨銀內照數買補則倉儲仍無缺額而成

功之後倉庫錢糧得藉保守闔縣士民共獲安居

擬合查明備具城圖詳送核奪等因到臣臣覆訪

無異似應如該訓導羅昱所奏將肥邑仍依舊址

立縣俟城既修築之時將倉廩責令地方官漸次
蓋造以垂永久至於現在修復舊城之處可否如
該知府所請准將倉糧動用俟拆收耗羨照數買
補還倉查關動用倉糧應行奏請

皇上睿鑒批示再行具

題緣係欽奉

上諭事理理合遵

旨密議奏

聞臣謹

奏

覽奏事在當行但修建縣治動用倉糧例應由部議覆
施行爾具疏題請候旨可也

同日又

奏爲恭謝

聖訓事雍正四年十一月二十三日臣齋摺家人回保

捧到臣

奏摺共三件欽奉

皇上硃批誨示周詳

訓諭深切臣跪讀之下惶恐無地感戢難名欽惟我皇上日月照臨之明

天地生成之大而臣以葵藿微誠駑駘下質受

恩至爲深重圖報乃益迂疎既慚補過之思止據一偏之見冒昧陳請思慮不周自今日以後惟有凜遵

聖訓痛懲艾於既往彌惕勵於將來而已所有欽奉

御批理合恭繳外謹繕摺恭謝

聖恩臣謹

奏

爾自被擢用以來識見實屬平常觀人目力亦甚不及
朕但取爾秉彝之良直率之性而已凡聆朕一切訓諭
如果傾心感服將來智慮自當增長擴充若硜硜固執
鄙見妄自矜高不但終見棄於朕恐致貽笑千古爾誠
不及朕遠甚何也朕經歷世故多年所以動心忍性處

實不尋常若能精白自矢勉竭同心合德之誠朕再無
不隨事訓誨王成汝之理倘自以爲能記誦數篇陳文
掇拾幾句史冊而懷輕朕之心恐將來噬臍莫及朕非
大言不慚肆志傲物徒以威尊凌下之庸主也極當敬
而慎之五內感激庶永遠獲益無窮爾其欽承此諭毋
忽

雍正四年十二月初三日直隸總督臣李紱謹

奏爲恭報得雪事竊照來春二麥全賴冬雪滋生今

據各屬陸續呈報得雪到臣查宣化永平二府屬

於十月十六七日及十一月十二三日得雪一二

寸至三寸不等霸昌道及通永道所屬於十一月

十二三日得雪一二寸至三寸不等保定府屬

於十一月十二日及二十九日得雪一二寸至三

四寸不等廣平府屬於十一月十五日得雪一寸

至寸餘不等再保定郡城於十一月二十九日子

時起至十二月初二日辰時止共得雪一尺有餘

欽惟我

皇上敬

天勤民躬行

南郊大典至誠感召即於是日瑞雪應期霑足優渥膏
澤廣被黎庶歡呼莫不感戴

皇仁仰頌

一人有慶者也所有各屬得雪俟續報到日容臣另行
奏報外臣不勝踴躍歡忭之至理合繕摺陳明謹

奏

朕觀此番瑞雪所被甚廣真堪慶幸我君臣當益加勉而敬之慎之可也

同日又

奏爲恭謝

聖訓事竊臣蒙

皇上天恩訓誨諄切於十一月十五日恭摺叩謝

聖恩乃復蒙

天恩訓誨有加無已臣跪誦之下感悚交集無地自容
伏念臣少習陳腐之文並無師資之教章句迂踈
毫無可用幸逢

皇上躬備道統之全學達性天之奧今歲三月入京恭
請

聖訓仰蒙

皇上指示聖學在心不假於外因物付物以人治人朱
子之於聖學猶佛教之律宗未足盡聖道之妙臣

伏聞

天語實聞所未聞不惟宋儒之書不能及此即五經四書未有超微詣極如

聖訓之深切著明者也至十月恭祝

萬壽又復祇聆

聖訓論堯舜執中之學仁義同歸寬嚴一理闡發千古之心傳蓋作君作師自堯舜以來惟

聖祖皇帝集其成惟

皇上繼其道而臣等幸生

聖世得聞

天語亦惟有慶幸於遭逢之極盛而已至臣迂腐詞章
尚愧學而未成即成亦無所用安敢稍有固執甘
於自棄惟仰懇

聖恩推曲成萬物之心始終

訓誨俾臣得與聞

聖道萬分之一不惟終身感激銘刻五中而臣愚昧之

質稍得開朗亦庶幾可效驅策於一官一職之末
矣謹繕摺叩謝

天恩 臣謹

奏

爾應當如是設爾之識見果能勝朕朕必敬之如師如
友朕非自恃已能不肯虛中之主似爾等遠不及朕之
人朕又豈肯違心以示謙光耶

雍正四年十二月十七日直隸總督臣李紱謹

奏爲續報瑞雪普霑事欽惟

皇上南郊禮成瑞雪應期而至除保定郡城於十一月二十九日至十二月初一二等日所得瑞雪經臣將各屬從前得雪一併具摺恭

奏今又據各屬陸續呈報得雪到臣查直隸通省霸昌通永二道併各府及各直隸州等所屬之州縣衛所俱於十一月二十七八九日及十二月初一初二等日咸稱得雪自三四五六七八寸以至一

尺一尺五寸不等已經普遍霑足來春二麥豐穰
可期按其得雪日期俱在

南郊禮成之際此皆我

皇上至德感召休嘉協應兆民衢歌巷舞咸戴

聖恩所有現據各屬陸續報到得雪情形臣謹繕摺陳


明謹

奏

山左山右河南地方皆奏報通省大雪霑足誠可謂

天恩浩蕩也朕曷勝欣幸

硃批諭旨卷二十二下



總校官庶吉士 臣侍 朝

校對官編修 臣馬啟泰

謄錄監生 臣朱德元